

# Populaziun da camutschs pitescha


Differents facturs s'effectueschan a moda negativa sils camutschs

DA HANS HUONDER / ANR

■ **La populaziun da camutschs el cantun Grischun ei il moment pli pintga ch'avon ro-dund 15 onns. A quella conclusiun vegn igl uffeci da catscha e pesca.** Sco quei ch'el scriva el rapport davart la catscha 2010 han differents facturs menau alla reducziun el decuors dils davos onns. El suppona che quei seigi il clima, la neiv, la concurrenza d'auters animals da calzer en siu spazi da viver, disturbis e malsognas sco la tschoccadad da camutschs. Ina reducziun da camutschs vegn buca mo constatada el cantun Grischun, mobein egl entir territori dallas Alps ed en gronds territoris protegi. Gest in'epidemia dalla tschoccadad da camutschs sa haver grevas consequenzas per ils effectivs. «En quei connex mieran en emprema lingia animals dalla class'aulta giuvna e da vegliadetgna mesauna, pia la substansa digl effectiv.»

## Cuntents culs effectivs

Perencunter mieran en consequenza digl unviern pil pli animals giuvens e vegls, scriva igl uffeci en siu rapport detagliau. Cun la catscha 2010 ei igl uffeci cuntents. Tier las tscharvas semuossa in effect positiv sil diember sittau dapi l'introducziun dall'interrupziun dalla catsch'aulta per enzacons dis. Serevegnida bein dil stregn



**La populaziun da camutschs ei sereducida ils davos 15 onns egl entir intschess dallas Alps.**

KEYSTONE

unviern 2008/09 ei la populaziun da cavreuls, ferton che la catscha sin uolps e tais ei stada engreviada igl onn passau

dall'epidemia dalla pesta da tgauns.

# Plirs facturs cun effect negativ sils camutschs

Igl Uffeci da catscha e pesca dil cantun Grischun analysescha la catscha 2010

DA HANS HUONDER / ANR

**■ La populaziun da camutschs el cantun Grischun ei il mument pli pintga ch'ils onns 1990. Differents facturs surordinai han giu ils davos onns in pli grond effect che la catscha. Gia serevegni bein dil stregn unviern 2008/09 ein ils effectivs da cavreuls e tscharvas. La catscha d'uolps e tais ei stada igl onn vargau miserabla. Il motiv: L'epidemia dalla pesta da tgauns.**

Quels dis ha igl Uffeci da catscha e pesca dil cantun Grischun publicau sia analisa davart la regulaziun dils effectivs dalla selvaschina cun la catscha digl onn 2010. Il cau digl uffeci *Georg Brosi* ed il biolog da selvaschina *Hannes Jenny* constateschan en quei rapport detagliau che la catscha 2010 seigi stada ell'enzenza da buns effectivs da selvaschina. Quels ein serevegni fetg spert dil dir unviern 2008/09. Las relaziuns da catscha ein medemamein stadas bunas igl onn vargau. Sco quei ch'igl uffeci puntuescha en siu rapport ha in'unjun niev fundada publicau ella pressa differents artechels encounter la catscha. Cun igl argument da cumbatter la catscha speciala ed aschia da gudignar catschadurs adversaris da quella per sias ideas ei l'entira catscha grischuna veginida disfamada massivamein. En quei connex vegin cuschentau ch'il Grischun ha bia pli cuorts temps da catscha e che quella vegin terminada pli baul ch'en tut ils auters territoris dallas Alps.

## Camutschs piteschan

El cantun Grischun ei veginu sittau igl onn vargau 3151 camutschs. Igl uffeci quenta che quei seigi rodund 13 pertschien dall'entira populaziun. Las prescripziuns pli severas, instradadas gia in onn avon, ein s'effectuadas. En consequenza da quellas ei veginu sittau rodund 130 cauras da meins e cheutras era pli paucs bucs. La structura da veglia-detgna dils animals sittai ei vinayon op-



La catscha ha ina pli pintga influenza sin il diember da camutschs che differents autors facturs sco per exemplu ils disturbis ni las malsognas.

KEYSTONE

timala. Tonaton accentuescha igl uffeci ch'ei seigi necessari ils proxims onns da perseguitar attentamein la catscha da stargels camutsch. Sur igl entir cantun seigi la catscha da quels animals giuvens persistenta, regionalmein sappi la presiun denton esser memia gronda en quella classa. Ella media veginan 39 pertschien dils camutschs sittai ella vischionza da territoris da protecziun. La populaziun da camutschs el cantun Gri-

schun ei veginida schazegiada igl onn vargau a 24 000 tocs. Las retscherchas fatgas sin fundament dils animals sittai ils davos onns muossan che la populaziun era miez dils onns 1990 bia pli gronda che supponiu da lezzas uras. La primavera 1994 ei veginu dumbrau el cantun 25 000 camutschs. Quei temps vivevan el Grischun denton 24 969 camutschs ch'ein vegin sittai ni registrai dalla survilgonza da catscha sco animals curdai. Ig-

ei in fatg che biars animals naschi avon ni da quei temps ein mai vegni anflai, nundir registrai e che singuls dad els vivan aunc oz. Sin fundament da quellas enconuschientschas po vegin constatau che la populaziun da camutschs ei oz pli bassa che miez dils onns 1990. Lu pudeva quella muntar a rodund 30 000 tocs. Essend che la populaziun da camutschs ei sereduida egl entir territori dallas Alps ed era en gronds territoris da protecziun sto vegin supponiu ch'els piteschan da differents facturs surordinai alla catscha sco per exemplu clima, neiv, concurrenza d'auters animals da calzer, disturbis e malsognas. «Ina epidemia dalla tschoccadad da camutschs ei savens ina ferma cesura per in effectiv da camutschs», puntuescha igl uffeci en siu rapport.

## Buna catscha da tscharvas

Fetg cunctents ei igl uffeci cun la catscha da tscharvas 2010. Tut en tut ei veginu sittau 4118 tocs. Sin fundament dallas enconuschientschas recaltgadas vegin constatau ch'ei vegin sittau dapli tscharvas dapi che l'interrupziun dalla catsch'aulta per enzacons dis ei veginida introducida. Secumprovaus ei era il sistem cun catsch'aulta e catscha d'atun. Ina buna catscha ei era veginida registrada igl onn vargau sin cavreuls. 2325 tocs ein vegni sittai en cumparegliazion cun 1746 igl onn avon. Il diember da cavreuls sittai schai levamein sur la media dils davos diesch onns, mo levamein sut quella dils davos 20 onns. Il bien diember da cavreuls igl onn 2010 ha giu per consequenza ch'igl ei veginu sittau en emprema lingia dapli bucs e quei ton bucs giuvens sco era pli vegls (2+). Da patertgar dat vinayon il fatg che quater dils diesch cavreuls che mieran van sil conto dils animals curdai, per exemplu accidents dil traffic. Plinayon ei veginu sittau igl onn vargau 451 capricorns. Ei semuossa ina ga dapli che capricorns sco camutschs drovan pli liug temps da se-

revegnir da stregns unviarns che cavreuls e tscharvas. Fetg difficila ei la catscha d'uolps e tais stada igl onn 2010. Alla catscha da laghetg e da traplas 2009/10 ei vegniu sittau sulettamein 51 pertschien dil diember d'uolps digl onn precedent. Alla catscha bassa ei vegniu sittau sulettamein 13 pertschien dils tais en cumparegliazion cun 2008. Constanta ei la catscha sin lieurs e cots sel-vadis stada.

## «Viver cun la realitad»

«Il camutsch vegin catschaus a cantun, en emprema lingia entras las activitads multifaras dil carstgaun duront igl unviern ed era la stad. Quellas activitads ein s'augmentadas considerablamein ils davos dus decennis. Cheutras se-reducescha il spazi da viver dil camutsch e la populaziun sesminuescha», di il cau digl Uffeci da catscha e pesca dil cantun Grischun, *Georg Brosi*. Ina dallas mesiras pridas ils davos onns en favur dalla protecziun dalla selvaschina ein las zonas da ruaus: «Quellas survecheschan en emprema lingia al ruau dalla tscharva, mo buc exnum dil camutsch.» Tenor *Georg Brosi* vegin ins a stuer viver egl avegnir cun las activitads dil carstgaun ella natira: «Quellas activitads – sco per exemplu far turas ni viandar cun gianellas – ein segiramein buca da taxar per negativas. Ellas han denton in'influenza, per exemplu sils camutschs. Sche la societat giavischala talas activitads stuein nus acceptar quei e consequentamein era ina populaziun da camutschs pli pintga.»